

228° 76299

RECHERCHES  
CVRIEVSES  
DES  
MESVRES  
DV  
MONDE.

*P. le S. C. de V.  
Lemoine*



*Recherches  
LB. 530.085*

A PARIS  
Chez MARTIN COLLET, au  
Palais en la gallerie des Librai-  
res, pres la Chancellerie.

---

M. DC. XXIX.

RECEIVED  
JAN 11 1873

AT 2 1/2 CENTS



1000



THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.



## A MON FILS H. DE V.

**M**ON fils , nos iours  
 passent comme le vent,  
 & leurs plaisirs finissent  
 par la mort , La seule  
 vertu nous survit, si nous l'avons cher-  
 chee en nostre vie , & laissé à la poste-  
 rité quelque marque d'avoir esté. Les  
 corps , quoy que subiets à la loy du  
 tombeau , se rendent immortels en la  
 suite des enfans qui perpetuent leurs  
 noms , comme aussi les esprits , s'ils  
 laissent apres eux des enseignes d'avoir  
 bien faict. Puis donc que mon aage  
 blanchissant m'advertis chacun iour  
 de la retraite , ie desire vous laisser ce  
 bref racourcy du monde univ[er]sel.

par lequel vous verrez les mesures  
 certaines de ce que i'ay veu & appris  
 en mes plus gaillardes annees, & vous  
 seruira de leçon d'une heure seulement:  
 excellente, certes, si vous l'employez  
 bien, & s'il vous souuient fortement  
 que le monde n'est rien puisque tant  
 d'Estats & Royaumes, desquels vous  
 verrez le denombrement, n'estoit la  
 plus part cent ans sont, ou ne seront  
 dans cent ans, quand vous lirez l'hi-  
 stoire ancienne des Empires, vous  
 verrez ceste verité; Que le Ciel seul  
 ne change point: Aussi disoit-il estre  
 le but de nos traux. C'est le fruit  
 principal qu'il vous faut tirer en la  
 lecture, soit de ce traicté, soit de nos  
 liures precedents. Car nos voyages,  
 dont le discours a seruy d'entretien à  
 tant d'esprits, porteront tesmoignage  
 de nostre inconstance seulement, si dans  
 leur pratique nous n'auons emporté  
 ce mesme fruit que nous vous offrons,



5  
Et pouuois icy former vostre esprit  
par les regles de mon experience pro-  
pre, si vostre aage le permettoit. Mais  
ne le pouuant pas encore, apprenez  
seulement a aymer Dieu, seruir le Roy,  
Et aymer vostre pays; SoyeZ esgalen  
vos comportemens, sans flotter incer-  
tain, ou çà ou là: pardonnez aisement  
à vos ennemis, Et ne les frequenteZ.  
Ne dites point vostre secret à tous, Et  
faictes choix de vos amis: compasseZ  
vos despeses à vos reuenus, parce que  
le defaut de ce seul poinct faict bron-  
cher chacun iour les plus nobles famil-  
les. Pensez-y meurement, Et quelque  
tard que vous soyeZ, souuenez-vous  
de nos conseils, Et que celuy qui vous  
les donne, c'est

VOSTRE PERE.



RECHERCHES CV-  
rieuses des mesures du  
monde.



LE MONDE que nous voyons avec les mers qui l'environnent, est vn rond tres-parfait, n'ayant commencement ny fin en toutes ses parties, se supportant soy-mesme sans aucun appuy: S'auallant à l'esgal de tous costez, ainsi que clairement on void, lequel contient en sa circonference trois cens soixante degrez, qui font neuf mil lieuës de tour, de nostre France. Mais pour venir au poinct que ie pretens, il est besoin de diuiser la mer d'avec la terre, pour voir, si la terre sans la mer, se trouuera ronde, faisant donc ceste di-

Le monde  
contient 9.  
mil lieuës  
de tour.

*Rech. curieus. des mes. du monde.* 7

uision, sans doute, la terre sera *La terre*  
beaucoup plus longue que large, *plus lōgue*  
cela venant de ce qu'en diuers *que large,*  
lieux elle s'aduance beaucoup en *& pour*  
la mer, ainsi qu'elle fait au Cap de  
Bonne esperance, où elle s'y iette  
plus de mille lieuës: & la mer aussi  
se recourbant, & faisant des Caps  
& destours plus d'un costé que  
d'autre, luy cause ceste forme. Et  
pour monstrier cecy, il y a de droit  
fil depuis le Cap Blanco qui est à  
l'Océan Occidental, à l'extremité  
de l'Afrique iusques à l'Océan O-  
riental qui est le long de la Chine,  
six vingts quatorze\* de grez de lō-  
gueur, qui reuiennent à trois mil-  
le trois cents cinquante lieuës des *Longueur*  
nostres, la plus grande largeur *de la ter-*  
estant de droicte ligne, de cent *re.*  
six de grez, qui font deux mille *La plus*  
cent cinquante lieuës, & ce de- *grāde lar-*  
neuis la poincte du Cap de Bonne- *geur de la*  
*terre.*

esperance qui est à l'Ocean du Mi-  
 dy iusques à l'Ocean du Septem-  
 trion. Mais la terre n'a pas ceste  
 largeur par tout, à cause que le  
 Cap susdit s'aduançe par trop en  
 la mer, de sorte que pour la rendre  
 esgale il faut oster vingt-deux  
 degrez dudit Cap de Bonne-espe-  
 rance pour remplir le recourbe-  
 ment que la mer fait au deçà la  
 ligne equinoctiale: Prenant donc  
 les susdits degrez depuis la pointe  
 dudit Cap, en montant vers la  
 ligne, & r'apportant ceste pointe  
 de terre où il n'y en a point: puis  
 desduisant les vingt-deux degrez  
 qui font cinq cents cinquante  
 lieuës, sur les deux mille six cens  
 cinquante, cy-dessus nommees,  
 il restera deux mille cent lieuës  
 de large que la terre aura en l'E-  
 urope & Affrique. Mais l'Asie,  
 elle n'en a pas tant, car en sa  
 largeur.

*La largeur  
 de la terre  
 en Europe  
 & Affri-  
 que.*



largeur plus grande, qui est depuis Malaca à la mer du Midy, iusques à celle du Septentrion, elle ne contient que quinze cens cinquante lieuës, & aux autres treize, à quatorze cens, Par cecy on peut voir que la terre n'est ronde, sa longueur surpassant de beaucoup sa largeur. Et d'autant qu'il sera besoin de repeter souvent le mot de degré, & que plusieurs qui verront ce traicté, ne sçauront pas que c'est, ie leur diray que les anciens ont diuisé le monde par degrez, chacun degré contenant plus ou moins de lieuës, selon que les lieuës des prouinces seront grandes, ou petites. Pour rendre cecy plus intelligible il faut sçauoir combien on doit mettre de lieuës pour faire vn degré, non seulement en nostre France, mais aussi aux au-

*Largeur  
de la terre  
en Asie.*

*Combien  
de lieuës  
pour vn  
degré.*

tres lieux qui nous sont estrangers, comme l'Espagne, Allemagne, Sueue, Dannemarch, Angleterre, Italie. En Italie, pource qu'on y conte par mil, on met soixante mil pour vn degré: en

*Combien  
de lieuës  
en France  
pour vn  
degré.*

Allemagne quinze lieuës: en Dannemarch & Sueue dix: en Angleterre vingt: en Espagne dix-sept vn tiers, & en France vingt-cinq: mais il faut entendre que ce sont lieuës communes, & non celles qui sont les plus grandes, ce qui me fait donner aduis qu'en toutes les supputations que ie feray, j'entends parler des lieuës de France, & non de celles de Gascogne, ou de Bretagne, qui sont grandes, ny aussi des lieuës des autres Prouinces qui nous sont esloignées. Voila donc la circonference, longueur, & largeur du monde vniuersel. Venons

maintenant à parler en combien de parties la terre est diuisee, & qui en fait les separations; combien chaque partie contient de longueur, & largeur: Quels sont les plus grands Empereurs qui y commandent, & l'estenduë de leurs empires: Qui est celuy qui est le plus grand Roy, & celuy qui est le plus grand terrien, & s'il y a vn milieu sur la terre. Tous les anciens ont diuisé la terre en trois parties, mais à present il en faut mettre quatre, & ceste quatriesme fera l'Amerique: les autres trois, seront Europe, Asie, & Afrique. L'Amerique est la plus grâde de toutes, c'est pourquoy ie la mettray au premier rang, & laisseray au quatriesme nostre Europe. Cét Amerique est de grande estenduë, s'estendant du Septentrion vers le Midy. Elle est enui-

*Quatre parties au monde, & quelles.*

*ce que contient l'Amerique & sa situation.*

ronnee de toutes parts de la mer  
 Oceane, & contient deux prouin-  
 ces seulement, qui sont le Perou,  
 & Mexique, joints ensemble par  
 vn Istme de terre, qui a quelque  
 vingt lieuës de large. Car deux  
 tant renommes prouinces pour  
 l'or, & l'argent, & autres choses  
 precieuses qu'on en a apporté en  
 nostre Europe, ont de longueur  
 del'Occident à l'Orient, sçauoir,  
 celle de Mexique, cent seize de-  
 grez qui sont deux mille neuf  
 cens lieuës : Et celle du Perou,  
 quinze cens foixante deux degres,  
 & toutes deux ensemble ont de  
 largeur depuis le destroit de Ma-  
 gellan qui est à l'Ocean du Midy,  
 iusqu'à l'Ocean du Septentrion  
 cent vingt deux degrez, qui font  
 trois mil cinquante lieuës. L'A-  
 sie qui tient le second lieu en  
 grandeur, & largeur, est presque

*Longueur  
 de Mexi-  
 que.*

*Longueur  
 du Perou.*

*Largeur  
 de toute  
 l'Ameri-  
 que.*

*Situation  
 de l'Asie  
 & ses bor-  
 nes.*



*des mesures du monde.* 11

environnee de toutes parts de la mer Oceane, de laquelle elle est bornee del'Orient, au Midy, & Septentrion, & du costé de l'Occident, elle est abbatuë de la mer mediterranee, de la mer rouge, des mers noire & maior, de sorte que si l'Istme de terre qui est entre la Mediterranee & la mer rouge, estoit tranché, il n'y auroit de terre ferme, que ce qu'il y en a le long du fleuve Tanais, qui la separe de l'Europe. Cette grande estenduë de terre contient en sa longueur del'Orient à l'Occident soixante dix degrez, qui sont dix sept cens cinquante lieuës, & ce, depuis la mer noire, ou Archipelago, iusques à l'Ocean de la Chine Orientale, icelle Chine cōprise, non selon les mesures du pere Martin de Herrade qui luy en donne trop, mais selon le calcul que

*Longueur  
de l'Asie.*

*Situation  
de l'Afri-  
que & ses  
bornes.*

*Longueur  
de l'Afri-  
que.*

nous en auons faict sur les globes & mappemondes ; pour la largeur de l'Asie i'en ay parlé cy-dessus. Quant à l'Afrique, elle seroit vn Isle, si l'Istme cy-dessus touché, estoit couppé, ce que plusieurs Empereurs ont fort desiré, mais nul n'a osé l'entreprendre. Elle est baignee du costé du Septentrion de la mer Mediteranee, & de celle de l'Ocean à l'Orient, Occident, & Midy, fors au petit Istme de terre cy-dessus. Sa longueur est en droicte ligne de soixante six degrez, qui vallent seize cens cinquante lieuës sçauoir depuis le Cap Blanco à l'Occident iusques à la mer rouge à l'Orient, & sa largeur depuis la pointe du Cap de bonne esperance, qui est au Midy, iusques à la mer Meditteranee vers le Septentrion, contient soixante sept degrez,

qui sont seize cens soixante quin-  
ze lieuës : Mais en tous lieux elle  
n'a pas telle largeur, car du costé  
de la Guyenne elle n'a que tren-  
te degrez, qui valent sept cents  
cinquante lieuës. Pour nostre  
Europe, elle est la plus petite,  
mais plus noble, & plus belle  
que ne sont toutes les autres en-  
semble, car ils ne sçauroient nous  
monstrer vn œil semblable à l'I-  
talie, ne vne seconde Venize, ny  
mesmes libertez que nous auons  
en nostre France : iamais ils n'en-  
treront en la balance avec nous,  
& ne verront en leurs effroya-  
bles armées, vne noblesse cou-  
rageuse comme la nostre, ny vn  
Senat semblable à celuy de Paris:  
ils n'ont rien de pareil : c'est à eux  
de se taire; Qu'on ne me blasme  
pas de louer ma patrie; ie sçay que  
ie dis vray, & n'en d'y pas assez.

*Plus gran-  
de largeur  
de la Fran-*

*Moindre  
largeur de  
l'Afri-*

*que.  
Beauté de  
l'Europe.*

*Situation  
de l'Euro-  
pe.*

*Longueur  
de l'Euro-  
pe.*

*Largeur  
de l'Euro-  
pe.*

En fin nostre Europe est sous vn tres-bon temperament ; qui à la mer à l'Occident, & au Septentrion, & la mer Mediterranee à son Midy : à l'Orient elle a la mer Major & mer Noire ; & le fleuve de Tanays qui la separe de l'Asie : sa longueur est depuis le Cap de saint Vincent, qui est en Espagne à l'Ocean Occidental, tirant en droicte ligne iusqu'à Constantinople, qui est à l'Orient sur le detroit de la mer Noire, de sept cens soixante quinze lieuës, qui font trente degrez & demy : & sa largeur en contient trente trois, qui font huiët cens vingt cinq lieuës, depuis le Cap de Malea qui est en la Moree sur la mer Mediterranee vers le Midy, iusques au Cap des Lapons à la mer Oceane vers le Septentrion. Voila ce que contient le monde  
vniuersel



uniuerselle en toutes ses parties.

Reste de voir quels grands Monarques y commandent, & la grandeur, confins, & limites de leurs Empires : Quel nombre de Prouinces il y a en chacun d'eux, & la longueur, & largeur de chacun Empire. Or tout ainsi que j'ay diuisé le monde en quatre parties, de mesme ie diray qu'en iceluy il y a quatre principaux Empires, qui sont le grand Turc, le premier : le grand Tartare le second : le grand Sophy le troisieme, & le grand Prestre Iean le quatriesme.

*Quels  
sont les 4.  
princi-  
paux Em-  
pires.*

Or le grand Turc est le plus grand Seigneur du monde, aussi son Empire est plus grand que tous les autres, plus fort & redoutable, & le mieux situé de tous, pour estre iustement assis au milieu de la terre, & pour s'estendre grandement

*Le grand  
Turc est le  
plus grand  
du monde.*

*Cöfins &  
limites de  
l'Empire  
du grand  
Turc.*

és trois parties d'icelle, comme aussi pour auoir au milieu d'iceluy la mer Meditteranee. Pour parler donc d'un si puissant Empire, & de ceux qui le bornent, ie diray qu'il confine à l'Estat des Venitiens, & aux Hongres vers l'Occident : vers le Septentrion, il a le grand Tarrare, & du costé de l'Orient le grand Sophy de Perse : vers le Midy, l'Empire du grand Prestre Iean le borne, & le Roy de Fez & de Maroc, vers le destroit de Gilbatar, de sorte qu'estant si bien placé, & au milieu de si puissans Monarques, il a tousiours guerre à quelqu'un, ce que souuent l'Europe a esprouué, comme aussi le Sophy de Perse, & plusieurs autres Princes ses voisins, son armee estant composée de trois cens mil hommes de guerre, & son Empire s'eten-

dant en Asie, Europe & Afrique. Disons ce qu'il a en Europe, *La puissance du Turc en Europe.*  
 & puis nous entrerons en Asie,  
 & Afrique. Il est seigneur de Ma-

cedone, Epire, Croacie, Sclauonie Albanie, Bosnie, Dalmatie, Russie, Bulgarie, Seruie, Valachie, l'Etholie, Linonie, Caye, Prussie, Bessie, le Peloponese ou morée, Misie, les Folsides & Attiques, Tessalie, Bessarabie, la Valonne, Chimerre, Romanie, vne bonne partie de la Hongrie, & la Trace, ou est assis Constantinople, d'où passant en Asie par le detroit de la mer Noire, nous le verrons Seigneur de Pont, Bithinie, Frigie, Capado-

*Puissance du grand Turc en Asie.*

ce, Pamphilie, Cilicie, Mitilene, Carie, Licaonie, Aldimelly, Paphlagonie, Genet, Amasie, Saladulye, Ciangarc, Caramanie, Anatolie, Pagiam Bossoc, Seleu-

*Puissance  
du grand  
Turc en  
Afrique.*

cie, Sirie, Phenicie, Galilee, Samarie & Iudee, les trois Arabies & Armenie, & l'ancien Empire de Trebisonde en Afrique. Il est Seigneur d'Egypte, Barra, Sibecca, Essocal, Syrte Maior & Minor, Thunes, Alger, & generally de toute la coste de la mer qui baigne l'Afrique, nommee en general la Barbarie, la loogueur duquel pays, depuis Alexandre d'Egypte, iusqu'au Cap des forçats qui est du Royaume d'Alger, tirant vers le detroit de Gilbatar, il y a de longueur, neuf cens soixante quinze lieues qui sont trente neuf degrez. Au milieu de tant de prouinces ou Royaumes cy dessus nommez est la mer Mediterranee, en laquelle sont les Isles de Chipre, Negrepont, Rodas, & toutes les Isles de l'Archipelago iusqu'à la

*Le grand  
Turc Sei-  
gneur des  
mers du  
Leuant.*



Chersonese Taurique, dont il est Seigneur. Pour le regard des Isles de Zante, Corfou, Cephalonie, & Candie, elles sont aux Vénitiens, lesquels luy en payent de tribut, quatorze mille ducats chacun an. Or la longueur de ce tant redouté Empire contient de droit fil, depuis le Cap des dits forçats qui est à l'Occident, & sur la mer Mediterranee, iusques à l'embouscheure du fleuve de Prim qui est à l'Ocean Oriental, soixante-cinq degrez, qui valent seize cents vingt-cinq lieuës, & sa largeur qui est depuis l'Ethiopie vers le Midy, iusques à la Russie, qui est au Septentrion, y a en droite ligne quarante-vn degre, qui font mille vingt-cinq lieuës. Mais ce qui est le plus émerueillable, & quasi incroyable à tous, est que le grand Turc,

*Longueur  
de l'Em-  
pire du  
grand  
Turc.*

*Largeur  
de l'empire  
du grand  
Turc.*

*Estrange  
puissance  
du grand  
Turc.*

est seigneur de routes les terres qui sont en l'estenduë de son Empire, sans que personne puisse dire, cecy est à moy, ou ceste terre là, ny qu'aucun se puisse nommer noble, mais tout en general, faut qu'ils se disent esclaves du Seigneur. Aussi ne recognoissent-ils entr'eux aucune diuersité de sang, ny mesmes de races. Apres luy vient le grand Tartare qui tient le second lieu, & lequel a sous son Empire plusieurs grandes Prouinces, sçauoir les Sarmates, Scythes Europeens, & Asiens, Catay, Cenduc, Siram Samogeda, Lucomore, Karalzy, Lugora, Cazan, Astracan, Bayda, Calmory, Iarchan, Siarciam, Sagatay, Caraky Lugora, Ocrage, Valronidor, Colmac, Nagaiia, Cambalu, & autres iusques à trente-quatre grandes Prouin-

*Quelles  
Prouinces  
sont en  
l'Empire  
du grand  
Tartare.*

ces. Tous ces grands pays sont  
situez le long du Septentrion  
vers l'Orient, estans bornez à  
l'Occident par la Pologne, & par  
la Moscouie au bas Septentrion,  
d'où trauersant toute l'Asie Sep-  
tentrionnale, se confine à la Chi-  
ne, qui est à l'Orient: A la mer  
Glaciale, vers le Septentrion, &  
au Midy au grand Sophy de Per-  
se. Toute cette longueur de pays  
du Couchant au Leuant, contient  
quarante six degrez, qui valent  
vnze cents cinquante lieuës, sa  
largeur s'estendant depuis les In-  
des qui sont au Midy, iusqu'à la  
mer Glaciale qui est au Septen-  
trion, cette largeur contenant  
trente-deux degrez, qui reuien-  
nent à huit cens lieuës, en la  
grande part de cet Empire le froid  
est vehement, & les tonnerres y  
sont fort frequens, signamment

*Situation  
de l'Em-  
pire du  
grād Tar-  
tare & ses  
confins.*

*Longueur  
de l'Em-  
pire du  
grād Tar-  
tare.*

*Largeur  
de l'Em-  
pire du  
grand  
Tartare.*

*Estranges  
tonnerres  
en Tarta-  
rie.*

en Esté, & tellement horribles, que quelques Tartares m'ont dit que les hommes en meurent d'espouuement: tres-rarement il y pleut en hyuer, & souuent en esté, mais la pluye tombe si douce-ment, que la terre n'en est guere humectée. Il y a vn fleuve nommé Kyan qui est (à ce qu'on dit) le plus grand du monde: & de fait, on m'a assuré qu'il a plus de cent iournees de longueur & huit lieuës de largeur, & au moindre lieu de son cours quatre ou cinq lieuës de large, ce qui est difficile à croire. Cecy soit dit comme en passant, avec ce qui s'ensuit, sçachant que cela sort des bornes de mon dessein, mais c'est pour recreer l'esprit de ceux qui verront ce travail. Tous les Tartares sont puissans de corps, & d'un courage grand: ils ont la

*Descri-  
ption du  
Tartare.*

face



face large, & les yeux enfoncez:  
la teste raze, & hideux en leurs  
barbes; ils sont de stature carree,  
& fort patiens à la faim, & au  
travail: ils se disent Ismaélites &  
s'en glorifient grandement. Pour  
la Religion ils sont Mahome-  
tans, & neantmoins toute leur  
loy est en la force de leurs corps,  
& leur iustice, sous leurs armes.  
En fin, c'est vne nation prophane,  
& barbaresque, sale & vilaine,  
qui mange la chair demie  
cruë, qui boient du lait de iu-  
ment, & qui n'vsent de nappes &  
seruiettes pour leur essuyer leurs  
bouches, & leurs mains. Le grand  
Sophy de Perse à son Empire en  
vn tenant à l'vn des bouts de l'A-  
sie, à l'Occident, duquel il a le  
grand Turc pour voisin, leurs  
terres estans separees par le fleu-  
re du Tygre. Du costé du Septen-

*Situation  
de l'Empi-  
re du grād  
Sophy de  
Perse avec  
ses confins.*

trion, il a le grand Tartare, & le fleuve Abian qui se met entre deux : vers le Midy, il est battu de la mer Oceane, & au Levant, il a les Indes, & le Roy de Cambaie. Son estenduë depuis les terres du grand Turc qui sont au Couchant, iusqu'aux terres du

*Longueur  
& largeur  
de l'Em-  
pire de  
Perse.*

Roy de Cambaie qui sont au Levant, y a trente-neuf degrez & demy, qui sont neuf cens soixante quinze lieuës, & sa largeur est de vingt vn degré, qui sont cinq cens vingt-cinq lieuës, depuis l'Ocean du Midy, tirant de droit fil audit fleuve Abian, & aux ter-

*Quelles  
Prouinces  
sont en  
l'Empire  
Persan.*

res du grand Tartare vers le Septentrion. Cét Empire Persan est composé de tres-nobles Prouinces, autresfois grands Royaumes sçauoir des Parthes, Medes, Assiriens, Suziens, Margiens, Mesopotamiens, Hircaniens, Ba-

Et riens Drangienes , Patopomisses , Gedroziens , Carmeniens & autres tous lesquels pays , ou la pluspart d'iceux , sont com-  
*Les Perses  
sont cour-  
tois.*  
posez de Noblesse comme en Europe , & ceux qui sont nobles d'ancienne race , y sont en grand credit , & les premiers honorez des plus grandes , & belles charges , s'ils ne degenerent à leurs ancestres. Ils sont de nature fort ciuils & courtois , & s'adonnent aux lettres & sciences : ils sont fort liberaux & reçoient courtoisement les estrangers , mais ils ne veulent pas qu'ils regardent leurs femmes de trop pres , ny aussi que leurs femmes se monstrent aux nouueaux venus. Le grand  
*Antiquité  
du grand  
prestre  
Iean.*  
Prestre Iean qui est le quatriesme en rang , est Empereur d'Ethiopie , & des Abyssins , & se vante d'estre issu de la race de Dauid , com-

me estant descendu de la Royné de Saba , Royné d'Ethiopie , laquelle estant venuë en Hierusalem pour voir la sagesse de Salomon , enuiron l'an du monde, deux mil neuf cens cinquante & deux , s'en retourna grosse d'un fils qu'ils nomment Moylech, duquel ils disent estre descendus en ligne directe. Et ainsi il se glorifie d'estre le plus ancien Mo-

*Titres du  
grand Pre-  
stre Isan.*

narque de la terre, disant que son Empire a duré plus de trois mil ans, ce que nul autre Empire ne peut dire. Aussi met-il en ses titres ce qui s'ensuit : Nous , N.

*Confès &  
limites de  
l'Empire  
du Prestre  
Isan.*

Souuerain en mes Royaumes, vniquement aymé de Dieu , colonne de la foy, sorty de la race de Iuda, &c. les limites de cét Empire touchent à la mer Rouge , & aux montagnes d'Azuma vers l'Orient, & du costé de l'Oc



cident, il est borné du fleuve du Nil, qui le separe de la Nubie, Vers le Septentrion il a l'Ægypte, & au Midy les Royaumes de Congo, & de Mozambique, sa longueur contenant quarante vn degré, qui sont mille vingt-cinq lieuës, & ce depuis Congo, ou Mozambique qui sont au Midy, iusqu'en Ægypte qui est au Septentrion, & sa largeur contenant depuis le Nil qui est à l'Occident, iusqu'aux montagnes d'Azuma, qui sont à l'Orient, sept cens vingt-cinq lieuës, qui sont vingt-neuf degrez. Cét Empire a sous soy trente grandes Prouinces, sçauoir, Medra, Garga, Alchy, Cedalon, Mantro, Finazam, Barnaquez, Ambiam, Fungy, Angoté, Cigremaon, Gorga, Cafatez, Zastanla, Zeth, Barly, Belangana, Tygra, Gor-

*Longueur  
& largeur  
de l'Empi-  
re du Pre-  
sre Ican.*

*Quelles  
Prouinces  
en l'Empi-  
re du Pre-  
sre Ican.*

*Situation  
de l'Em-  
pire du  
Prestre  
Iean.*

*Le grand  
Prestre  
Iean Ca-  
holique.*

gany, Barganaza, d'Ancut, Dangaly Ambiacatina, Caracogly, Amara, Maon, Guegiera, Bally, Dobora & Macheda. Toutes les Prouinces cy-dessus sont situees iustement sous la ligne equinoxiale, entre les Tropiques de Capricorne, & de Cancer. Mais elles s'approchent de nostre Tropique, de deux cens cinquante lieues plus qu'elles ne font de l'autre Tropique. Ce mot de Prestre Iean signifie grand Seigneur, & n'est pas Prestre comme plusieurs pensent, il a esté tousiours Chrestien, mais souuent Schismaticque: maintenant il est Catholique, & reconnoist le Pape pour Souuerain Pontife. I'ay veu quelqu'un de ses Euesques, estant en Hierusalem, avec lequel i'ay conferé souuent par le moyen de nostre truchement: il estoit d'un port

grave, & serieux; succint en son parler, mais subtil à merueilles en tout ce qu'il disoit. Il prenoit grand plaisir au recit que ie luy faisois de nos belles ceremonies, & de la gravité de nos Prelats en leurs habits Pontificaux, & autres choses que ie laisse pour dire, que l'Ethiopien est joyeux & gaillard, ne ressemblant en rien à la saleté du Tartare, ny à l'affreux regard du miserable Arabe, mais ils sont fins & cauteleux, & ne se fient en personne, soupçonneux à merueilles, & fort deuotieux, ils ne sont du tout noirs comme l'on croit, i'entens parler de ceux qui ne sont pas sous la ligne Equinoxiale, ny trop proches d'icelle, car ceux qui sont deffous sont les Mores que nous voyons.

*Les Ethiopiens gaillards & subtils.*

*Le Roy de la Chine le plus grand Roy du monde.*

Le plus grand Roy du monde, c'est le Roy de la Chine, son

*Confins  
du Roy-  
aume de  
la Chine.*

Royaume estant situé és dernie-  
res terres de l'Asie, il est borné de  
la mer Oceane au leuant, & Mi-  
dy, & s'estend tout le long d'icel-  
le, plus de neuf cens lieues, il a  
les Indes au Couchant, & les Tar-  
tares au Septentrion, mais entre  
luy & les Tartares, il y a des mon-  
tagnes tres-rudes, & aspres, que  
la nature a ainsi esleuees, qui con-  
tiennent cinq cens lieues de lon-  
gueur, entre lesquelles y auoit un  
espace qui en contenoit quatre-  
vingts, que les Chinois ferme-  
rent de fortes murailles, apres  
qu'ils furent deliurez du ioug  
des Tartares; & ne faut pas ad-  
jouster foy à ce qu'on dit, que la  
muraille a cinq cés lieues de long,  
mais il faut croire que les mon-  
tagnes en font quatre cens vingt,  
& les murailles le surplus. Si l'hi-  
stoire Chinoise qui est traduite

*Muraille  
admirable  
en la Chi-  
ne.*

en



en Espagnol est veritable, & si ce  
que le pere Martin de Herrade *Longueur*  
qui y a esté fort long-temps, & *Et circuit*  
qui l'approuue, dit vray, la lon- *de la Chine*  
gueur du Royaume de la Chine *selon le pere*  
contient dix-huict cés lieues d'Es- *Herrade.*  
pagne, & trois mille de tour, qui  
reuiendroient à deux mille qua-  
tre cens soixante de celles de no-  
stre France, & a quatre mille cinq  
cens quatre vingts dix de circuit.  
Le pere Herrade assure hardi-  
ment que les Chinois ont dit la  
verité en leur histoire, mais le pe-  
re Trigaut qui a fait son histoire  
de la Chine apres luy, & autres  
qui en ont escrit, ne luy donnent  
telles longueurs, & largeurs,  
mais ce discours n'est fait pour *Longueur*  
vuider leurs differens, me suffisant *largeur Et*  
de dire, que par les Globes, & *circuit de*  
Mapemondes que j'ay supputés, *la Chine se-*  
ietrouue que la plus grande lon- *lon l'an-*  
*cheur.*

gueur de la Chine, n'a que trente sept degrez, qui font neuf cens vingt-cinq lieuës: sa plus grande largeur qui font dix-neuf degrez, quatre cens soixante quinze, & tout le circuit de la Chine quatre vingts dix-neuf degrez, qui valët deux mil neuf cens soixante quinze lieuës, tellement que ce nombre de circuit seroit moindre que l'autre de quelque seize cens lieuës & en sa longueur, de quinze cens trente-cinq. Ce Royaume si grand n'est composé que de quinze provinces, sçauoir Olam, Canton, Suzuam, Fogniam, Pagnia, Cinsay, Tolanquia, Doquiam, Aucheo, Honam, Xanton, Quinchou, Chegnam Sancier & Cázay, mais ce sont des provinces qui se peuuent dire Royaumes, à cause de leur grande estenduë, & du grand nombre de citez & villes

*Nombre  
des Pro-  
vinces de  
la Chine.*

clofes , que chacune contient, l'extract desquelles i'ay bien voulu mettre en celieu, pour le contentement de ceux qui le verront, auxquels ie donne aduis que par ce mot de cité, i'entens les plus notables villes, & par ce nom de ville, celles qui sont les moindres, laissant là les grands bourgs & les villages.

La prouince d'Olam, contient, quatre vingt dix citez , & cent trente villes : celle de Canton, trente six citez & cent quatre vingts dix villes. Celle de Suzuam, quarante quatre citez, & cent cinquante villes. Celle de Fogniam , trente trois citez , & cent quatre vingts dix villes. Celle de Pagnya, où demeure le Roy, quarante sept citez, & cent cinquante villes. Celle de Cinsay, trente huit citez, & cent vingt

quatre villes. Celle de Tolanquia, cinquante vne cité, & cent vingt trois villes. Celle Doquiam, dix-neuf citez, & soixante quatorze villes. Celle d'Ancheo, vingt-cinq citez, & vingt-neuf villes. Celle de Honam, vingt citez, & cent deux villes. Celle de Xanton, trente-sept citez, & septante-huit villes. Celle de Quincheu, quarante-cinq citez, & cent treize villes. Celle de Chequeam trente-neuf citez, & quatre vingts dix-neuf villes. Celle de Sancij, quarante-deux citez, & cent cinq villes. Celle de Canzay vingt-cinq citez, & vingt-trois villes. Supputant donc toutes les villes & citez, on trouuera cinq cens quatre vingts vnze citez, & seize cens soixante dix villes, sans les bourgs & villages, qui sont comme innombrables, tellement qu'il se

Cinq cens  
quatre  
vingts  
vnze  
citez &  
seize cens  
soixante dix  
villes en la  
Chine, sans  
les bourgs  
& villa-  
ges.



voit par l'extrait cy-dessus , tiré de l'histoire Chinoise, qu'à iuste droit ie nomme le Roy de la Chine, le plus grand Roy du monde, & diray plus, que son Royaume, surpasse en fertilité tous ceux de l'yniuers, combien que l'on mette en comparaison le Perou, & Mexique cette fertilité, venant de sa bonne situation, qui est enclose dans la region, que les Geographes appellent temperee, & si on regarde de prés, on verra qu'il s'estend vers vn mesme climat que l'Italie. Je dirois volontiers en quoy consiste la fertilité & les richesses, mais ce n'est le sujet de ce discours, me contentant de dire, que le Royaume de la Chine vaut à son Roy (à ce que dit l'histoire) cent millions d'or par chacun an, qui est plus que le grand Turc n'en touche

de son Empire, ny le Roy d'Espagne de ses Royaumes. La loy qui estoit en la Chine qui defendoit à tous ceux du Royaume de n'en sortir, & à tous estrangers de n'y entrer sur peine de la mort, a esté cause que le Royaume n'a esté cogneu en nostre Europe, que depuis peu de temps: voila vn puissant Roy, & de grands Empe-  
reurs, mais ils ne sont si grands terriens comme est le Roy d'Espagne, lequel sans contredit, tiendroit le premier lieu, & seroit le plus grand Monarque de la terre, si ses puissances, & Royaumes, estoient joints ensemble, comme sont ceux desdits Empereurs, mais estant esloignees les vnes des autres par tant de mers, & distances de lieux, il est comme impossible qu'il se puisse secourir, & ayder, sinon par vn grand temps, &

encore incertain , si le secours  
pourroit venir, à raison des perils  
qu'il y a sur la mer, ie dy, si tant  
estoit qu'il peust tirer des hom-  
mes des prouinces qu'il a és In-  
des d'Orient & Occident , qu'au  
contraire il faut, que d'Espagne  
il en enuoye bien souuent. C'est  
le sujet qui me retient, de ne le  
mettre au rang des grands Mo-  
narques, mais de le nommer seu-  
lement, le plus grand terrien du <sup>Le Roy</sup>  
monde, n'y en ayant aucun qui se <sup>d'Espagne</sup>  
puisse égaler à luy. Peut estre plu- <sup>le plus</sup>  
sieurs me pourront blasmer d'a- <sup>grand ter-</sup>  
uoir donné le titre de grand <sup>rien du</sup>  
Roy , au Roy de la Chine, plu- <sup>monde.</sup>  
s tost qu'au Roy d'Espagne, qui  
a plus de Royaumes, & de terres  
que luy, ausquels ie diray en vn  
mot, que le Roy de la Chine est  
Roy d'un seul Royaume, lequel  
en grandeurs & richesses, surpas-

se de beaucoup tous ceux du Roy d'Espagne, non en quantité de terres & de Royaumes. Partant nul ne me peut blasmer, de luy auoir donné le nom de grand, puis qu'il n'y a Royaume qui soit pareil au sien. Disons quelles terres ce grand terrien a sous

*Combien de Royaumes en Espagne.*

sa domination, leurs longueurs, & largeurs, & où elles sont situées. Il est en premier lieu Roy des Espagnes, qui contiennent plusieurs Royaumes réduits en Prouinces, comme Castille, Leon, Grenade, Portugal, Galice, Andaloufie, Valance, Arragon &

*Confins & limites de l'Espagne.*

Catalogne, n'y voulant pas mettre Nauarre, toutes lesquelles font vn beau Royaume borné à l'Occident de la mer Oceane, & du costé de l'Orient de la mer Méditerranée, ayant au Midy le détroit de Gilbatar, & au Septentrion,



trion, les monts Pirenees qui le se-  
parent de la France, la plus gran-  
de longueur de ce Royaume ainsi  
composé de plusieurs, contient  
cent cinquante lieuës d'Espagne,  
qui font deux cens quatorze lieuë  
des nostres, sçauoir, depuis Lis-  
bonne qui est en Portugal, à l'O-  
cean Occidental, iusqu'à Valan-  
ce qui est à l'Orient, sur le bord  
de la Mediterranee. Mais de la  
coste de Galice iusques à celle  
d'Arragon, qui est sa plus gran-  
de longueur, il en a presque du *Largeur de*  
quart d'auantage. Pour sa lar- *l'Espagne.*  
geur, elle contient depuis la Me-  
diterranee, vers le Midy, ou  
quoy que ce soit de Malaca ius-  
qu'à Bilbo vers le Septentrion, six  
vingts dix lieuës d'Espagne, qui  
font cent quatre vingts dix des *Quels*  
nostres. Il a encore en Italie les *Royaumes*  
*le Roy*  
*d'Espagne*  
*a en Italie.*  
Royaumes de Naples & Sicile,

avec la grande Duché de Milan,  
& les Isles de Corse, Sardaigne,  
Majorque, & Minorque, & quel-  
ques autres places, à la coste de  
Barbarie vers le détroit de Gil-  
batar. Ce n'est pas tout, il est

*Le Roy  
d'Espagne  
puissant és  
Indes d'O-  
rient.*

puissant terrien és Indes de l'O-  
rient, où il y a quelques Royau-  
mes & plusieurs villes, ports, &  
places fortes tout le long de la  
mer. Au dedans de la mer, il  
est Seigneur des Isles de Gada-  
mascar, qui est celle de saint  
Laurens, qui contient prés de six  
cens lieues de long. De celle de la  
Cube, qui en contient deux cens:  
Celle de l'Espagnol, cent quatre  
vingt, & de tant d'autres isles,  
qui seroit difficile de nommer, &

*Le monde  
nouveau  
consiste en  
deux Roy-  
gume.*

dire au vray leurs longueurs, &  
largeurs. Pource qu'il a au nou-  
veau monde, appelé maintenant  
Amerique, consiste seulement en

deux Royaumes ou prouinces,  
l'une appelée Mexique, & l'autre  
le Perou; le Mexique appelé par  
les Espagnols nouvelle Espa-  
gne, contient en sa plus grande  
longueur, quatre vingts quinze  
degrez, qui font deux mille trois  
cens soixante quinze lieues, de-  
puis la mer Oceane qui est à l'Oc-  
cident, iusques à la nouvelle Es-  
pagne qui est à l'Orient & de lar-  
geur, depuis l'Istme de terre qui  
le joint avec le Perou vers le Mi-  
dy, iusqu'à l'Ocean du Septen-  
trion, soixante degrez, qui valent  
quinze cens lieues. Pour le Pe-  
rou, il a de l'une mer à l'autre,  
soixante degrez en sa longueur,  
qui font quinze cens lieues, & ce  
de l'Orient à l'Occident, & du  
détroit de Magellan qui est au  
Midy, iusqu'à l'Istme de terre qui  
le joint avec le Mexique, il a de

*Longueur  
de Mexi-  
que.*

*Largeur de  
Mexique.*

*Longueur  
du Perou.*

*Largeur  
du Perou.*

*Longueur  
& largeur  
des Indes  
Occiden-  
tales.*

*S'il y a un  
milieu sur  
la terre.*

largeur soixante quatre degrez, qui valent seize cens lieues, de sorte que, supputant toutes les terres qui sont és Indes Occidentales, & qui appartiennent au Roy d'Espagne, sans les Isles que j'ay cy-dessus nommees, & toutes les autres Isles qu'il possede; ladite terre ferme a de longueur deux mille huit cens lieues, & de largeur, trois mille deux cens, auquel nombre adioustant ce qu'il a en Espagne, en Italie, aux Indes Orientales, & toutes les Isles qu'il possede en l'une, & l'autre mer, on verra qu'à bon droit ie l'ay nommé le plus grand terrien du monde. Il reste de sçauoir si nous pourrons trouuer vn milieu sur la terre, & si de ce milieu, toutes les parties de la terre sont d'égale longueur; A la verité Hierusalem est le centre, & la superficie m'a-



prend, que Hierusalem est le centre & la superficie d'icelle, disant par son Prophete Ezechiel *Ou est le milieu de la terre.* cinquiesme, qu'elle est assise au milieu des nations : David disant pareillement au Psalm. 63. que le salut des hommes fut parfait au milieu de la terre, & de vray le verset qui dit cela est graué en grosses lettres sous vn poisle de bronze doré, qui est au cœur de l'Eglise du S. Sepulchre de nostre Seigneur, entre le S. Sepulchre, & le mont de Caluaire, n'y ayant pas de l'un à l'autre, douze pas d'interuale. Aussi estoit-il conuenable à la Bonté diuine que le salut fust fait au milieu de la terre. Puis que Hierusalem est le milieu du monde, voyons, si de ce lieu, les distances seront égales iusqu'aux fins de la terre. le treuve que depuis

140.  
Lieuës du  
Cap fin  
terre en  
Hierusa-  
lem.

1375.  
Lieuës de  
Brest en  
Hierusa-  
lem.

Hierusalem iusques au Cap de fin terre, qui est à la coste d'Espagne, à l'Ocean Occidental, y a de droicte ligne cinquante-huict degrez, qui font quatorze cens cinquante lieuës & dudit lieu de Hierusalem, iusques à Brest qui est en la basse Bretagne, sur le bord de la mer, vers le Septentrion, y a cinquante quatre degrez & demy, qui valent treize cens soixante quinze lieuës. Je parle de droict fil, qui est vne certaine voye par laquelle personne ny peut aller, à cause qu'il faudroit faire nouueaux chemins, par mer & par terre pour aller aux lieux destinez, sans tourner çà & là, ce qui est du tout impossible: mais il faut que nous mesurions ainsi les choses, & non selon les chemins qu'on fait, sçachant tresbien (pour l'auoir faict) que de-

puis Brest iusqu'en Hierusalem,  
 le chemin est plus long que ie ne  
 dy, mais ce qui est de plus, sont  
 les tours & détours, qu'on faict  
 en cheminant en autres lieux.  
 Retournant à nostre milieu, ie  
 treuve qu'il ya dudit lieu de Hie-  
 rusalem iusques à l'Ocean Orien-  
 tal, qui bat la coste de la Chine, <sup>1578.</sup>  
 soixante quinze degrez de droit <sup>lieues de</sup>  
 fil, qui sont dix-huict cens soi- <sup>la mer de</sup>  
 xante quinze lieues, ceste lon- <sup>la Chine</sup>  
 gueur surpassant de beaucoup <sup>en Hiera-</sup>  
 les precedentes, ce qui feroit ay- <sup>salem.</sup>  
 sément dire que Hierusalem ne <sup>mille</sup>  
 feroit le milieu. De plus, ie voy <sup>lieues de</sup>  
 que d'iceluy iusqu'à l'Ocean du <sup>la mer du</sup>  
 Septentrion, il n'y a que quaran- <sup>Septentrion</sup>  
 te degrez qui font mille lieues <sup>en Hiera-</sup>  
 seulement, & dudit lieu iusqu'à <sup>salem.</sup>  
 l'Ocean du midy, de droite ligne <sup>1250.</sup>  
 que cinquante degrez, qui va- <sup>lieues de la</sup>  
 lent douze cens cinquante lieues, <sup>mer du</sup>  
<sup>Midy en</sup>  
<sup>Hierusa-</sup>  
<sup>lem.</sup>

48 *Rech. Cur. des mes. du monde*  
de sorte que de tous endroiets, les  
distances sont differentes, & tou-  
tesfois l'escriture dit clairement  
que nostre salut sera fait au mi-  
lieu de la terre. Ce n'est à moy  
à passer outre sur ce poinct; C'est  
aux Docteurs d'en decider: il me  
suffit d'estre arriué iusqu'à ce lieu,  
qui n'a esté sans grand trauail,  
prient tous ceux qui le verront,  
qu'ils ne le lisent en courant, mais  
qu'ils le voyent à loisir, & ce fai-  
sant, ils cognoistront ce qu'il con-  
tient, ce qu'ils ne feront pas en  
passant par dessus; mais si en vn  
nombre si grand de supputations  
il s'y treuve quelque defaut,  
qu'ils me condamnent douce-  
ment, ou facent mieux que moy.

F I N.

65-53  
Sept 1964  
Ludwig  
Rosenthal





S C

E

E

oc


du

r-

es

i-

e



str

d'a

lo

41. la robe jancee genove se parisien

14

E629  
V715r